



Minnesota Tus Kws Certified Food Protection Manager

LUB LUAG HAUJ LWM, KEV COB QHIA, THIAB YAM YUAV TSUM UA

Lub Luag Hauj Lwm

Tus Kws Certified Food Protection Manager (CFPM) yuav tsum muaj kev paub, kev txawj, thiab muaj peev xwm ua tau cov hauj lwm hauv qab no:

- Tshawb nrhiav txog tej yam uas muaj kev phom sij nyob rau hauv kev khiav dej num txhua hnuv ntawm qhov chaw muag khoom noj.
- Tsim los sis siv cov cai, cov txheej txheem, los sis cov qauv kom tiv thaiv kev kis kab mob los ntawm khoom noj.
- Tswj kev cob qhia rau cov neeg ua hauj lwm txog kev nyab xeeb ntawm khoom noj, saib xyuas cov kev npaj khoom noj, thiab kho tej yam uas yuav tsum kho kom sai kom tiv thaiv kev noj qab hauv huv rau cov neeg uas yuav noj cov khoom ntawd.
- Ua tiav kev soj ntsuam rau hauv cov chaw noj haus txhua hnuv kom paub tseeb tias lawv tab tom ua raws li cov cai thiab cov txheej txheem rau kev nyab xeeb ntawm cov khoom noj.

Kev Cob Qhia Uas Yuav Tsum Muaj

Cov chav kawm los ua tus kws CFPM uas tau pom zoo rau kev kawm thiab rov thov ua tus kws CFPM muaj nyob rau ntawm ntaw lub lag luam ntiag tug, cov tsev kawm ntawv qib siab nyob hauv zos thiab cov tsev kawm ntawv qib siab technical, thiab qee lub

koom haum uas tau kev tso cai hauv lub xeev. MDH tsis muaj kev cob qhia, tiam sis lawv pom zoo rau cov kws cob qhia thiab cov chav kawm.

Koj tuaj yeem tshawb nrhiav txog [Cov Chav Kawm, Kev Xeeb thiab Kev Kawm Ntxiv](#) nyob hauv online.

Daim Ntawv Pov Thawj

Yog tias koj tsis tau los ua ib tug CFPM nyob hauv Minnesota dua los li:

1. Mus koom ib chav cob qhia thiab mus xeeb kom dhau daim ntawv xeeb uas tau pom zoo.
2. Mus hauv online thiab ua kom tiav dai ntawv thov, upload daim ntawv pov thawj tias koj xeeb dhau lawm, thiab them tus nqi \$35.

Mus Thov Hauv Online - Daim Ntawv Thov.

Yuav tsum mus ua daim ntawv thov los ua tus kws CFPM hauv Minnesota uas tsis pub dhau rau lub hlis tom qab tau xeeb dhau qhov kev xeeb.

Rov Tauj Dua Daim Ntawv Pov Thawj

Daim ntawv pov thawj los ua tus kws CFPM hauv Minnesota yuav tas sij hawm tom qab peb xyos txij hnuv uas tau teev tseg hauv daim ntawv pov thawj los ntawm MDH. Yog xav tauj ntxiv rau daim ntawv pov thawj:

1. Mus kawm plaub los sis ntau dua xoj moos ntawm kev cob qhia uas tau pom zoo.
2. Tiv tauj peb kom tau kev qhia thiab ib qho claim cod tshwj xeeb los rov tauj ntxiv rau koj cov ntaub ntawv.
3. Mus hauv online thiab ua kom tiav daim ntawv thov tauj ntxiv, xa daim/cov ntawv pov thawj kawm uas tau pom zoo thiab them tus nqi \$35.

Mus Thov Hauv Online - Daim Ntawv Thov Tauj Ntxiv.

Mus kawm cov kev cob qhia rau kev tauj ntxiv nyob rau lub sij hawm uas daim ntawv pov thawj tseem siv tau. Mus ua daim ntawv thov tauj ntxiv uas tsis pub dhau rau lub hlis tom qab hnuv sij hawm tas nyob rau daim ntawv pov thawj ntawm MDH.

Kev Xeeb Uas Tau Pom Zoo

Cov neeg uas xav thov ua daim ntawv pov thawj yuav tsum muaj kom tau daim ntawv pov thawj tias lawv tau xeeb dhau ib qho kev xeeb los ntawm ib lub koom haum uas tau txais kev pom zoo los ntawm qhov ANSI-CFP Accreditation Program.

Cov Lus Nug Uas Nquag Nug Txog

Tiv tauj lub koom haum uas tau muab daim lais xees rau qhov chaw noj mov ntawd yog xav paub ntxiv txog cov cai hauv zos thiab seb Minnesota qhov food code yuav siv li cas rau koj qhov chaw ua lag luam.

Kuv xa puas tau ib daim ntawv thov rau kuv daim ntawv pov thawj CFPM los sis daim ntawv pov thawj uas xav tauj ntxiv ?

Txij Hnuv Tim 1, Lub Plaub Hlis Xyoo 2025, cov ntawv xa tuaj yuav tsis raug txais lawm. Yog yuav thov, ua daim ntawv thov los sis daim ntawv thov tauj ntxiv nyob hauv online, upload koj cov ntaub ntawv pov thawj, thiab them koj cov nqi online rau ntawm **Certified Food Protection Manager Registration – Apply Online** los sis thajj qhov QR code hauv qab no kom mus ua daim ntawv thov hauv online.



Daim Ntawv Thov Rau Certified Food Protection Manager (<https://mn-mdh.portal.opengov.com/categories/1087/record-types/6498>)

Yog Kuv Yog Tus Tswv Ntawm Lub Lag Luam Ua Mov, Kuv Puas Yuav Tsum Ua Tus Kws CFPM?

Tsis tas yuav yog. Txawm tias ntau tus tswv ntawm cov lag luag ua mov tau txiav txim los ua tus kws CFMP, nws yog ib yam uas tsis tas yuav tsum tau los ua. Ib tug kws CFPM uas yuav ua tau txoj hauj lwm kom zoo yog ib tug uas paub txog koj lub lag luam thiab muaj cai ua cov hauj lwm ntawm CFPM hauv koj qhov chaw lag luam.

Ib Qho Chaw Noj Mov Yuav Tsum Muaj Pes Tsawg Tus CFPM?

Minnesota qhov food code yuav tsum kom txhua qhov chaw noj mov uas muaj lais xees yuav tsum muaj ib tug CFPM. Tiam sis tej thaj tsam hauv zos tej zaum yuav muaj lwm yam kev yuav tsum ua ntxiv thiab.

Kuv Ua Puas Tau Tus CFPM Rau Ntau Qhov Chaw?

Tsis tau.

Kuv Muaj Sij Hawm Ntev Npaum Li Cas Los Txais Los Sis Cob Qhia Ib Tug Kws CFPM Tshiab?

Raws li Minnesota txoj cai food code, txhua qhov chaw noj mov tshiab yuav tsum muaj ib tug kws CFPM uas ua hauj lwm hauv 60 hnuv txij hnuv qhib lub lag luam. Ua ntej koj pib khiav koj qhov chaw noj mov, koj yuav tsum muaj tsawg kawg ib tus neeg ua hauj lwm uas twb xeeb dhau ib qhov kev xeeb uas tau pom zoo los sis twb ua daim ntawv thov los ua tus CFPM hauv Minnesota lawm. Qee thaj tsam hauv zos tej zaum yuav muaj lwm yam uas yuav tsum tau ua ntxiv.

Puas Muaj Tej Kev Zam Rau Yam uas Ib Tug Kws CFPM Yuav Tsum Ua?

Muaj kawg. Qee qhov chaw noj mov — raws li hom ntawv lais xees los sis hom kev npaj khoom noj — yuav muaj kev zam rau cov cai ntawm Minnesota CFPM.

Qee qhov chaw noj mov uas tej zaum yuav raug zam yog:

- Chaw noj mov uas raug suav tias muaj kev phom sij tsawg
- Cov koob tsheej tshwj xeeb uas muaj cov rooj noj mov
- Cov tsheb muag khoom noj, cov tsev los sis laub uas txav tau

Tsis tas li ntawd, tej qhov chaw noj mov kuj yuav raug zam yog tias lawv cov hauj lwm npaj zaub mov tsis ntau heev xws li:

- npaj los sis ntim cov zaub mov thiab tej khoom noj uas tsis tas yuav tsum tswj qhov kub los sis txias (zaub mov uas yog non-TCS)
- Ua kom sov los sis cov khoom noj uas twb siav lawm xws li hot dogs, sausages, popcorn, nachos, pretzels, los sis pizza uas khov lawm
- Npaj tej nqaij nyoos, nqaij qaib, ntses los sis tsiaj qus uas yuav muaj npaj ua noj los ntawm tus neeg uas yuav noj.

Daim ntawv teev cov chaw uas yuav muaj kev zam rau cov cai ntawm CFPM muaj nyob hauv txoj cai lij choj Minnesota Rules, seem 4626.0033, ntu C.

Cov Kev Pab Cuam

Minnesota Department of Health Food Business Safety
(www.health.state.mn.us/foodbizsafety)

Initial Courses, Exams and Continuing Education
(<https://fmctraining.web.health.state.mn.us/search/index.cfm>)

ANSI-CFP Accreditation Program
(www.ansi.org/Accreditation/credentialing/personnel-certification/food-protection-manager/ALLdirectoryListing?menuID=8&prglD=8&statusID=4)

Certified Food Protection Manager Registration – Apply Online (<https://mn->

MINNESOTA CERTIFIED FOOD PROTECTION MANAGER

[mdh.portal.opengov.com/categories/1087/
record-types/6498\)](https://mdh.portal.opengov.com/categories/1087/record-types/6498)

Minnesota Department of Health
Food, Pools, and Lodging Services
PO Box 64975
St. Paul, MN 55164-0975
651-201-4500
health.foodlodging@state.mn.us
www.health.state.mn.us

Minnesota Department of Agriculture
Food and Feed Safety Division
625 Robert Street N
St. Paul, MN 55155-2538
651-201-6027
MDA.FFSD.Info@state.mn.us
www.mda.state.mn.us

LUB PLAUB HLI XYOO 2025

*Yog xav tau cov ntaub ntawv no ua lwm hom
ntawv, hu rau: 651-201-4500 los sis 651-201-
6000. Sau rau cov ntawv uas twb raug recycle
lawm.*